

# Powšitkowne WOZJEWJENJA

njedźelu, 18. apryla 2021

## Wusyłanje Božemu mšow

Serbskorěčnej Božej mši móža wěriwi tutu njedźelu, 18. apryla, znova jako livestream w interneće scěhować. Dopolnja w 9 hodź. přenese so jedna z Chróšćanskeje cyrkwe, dalša hižo we 8.30 hodź. z Kulowa. Linkaj na njej stej na internetowej stronje [www.posol.de](http://www.posol.de) kaž tež na [wosadnymaj](http://www.wosadnymaj.de) stronomaj podate.

## Přeprašenje k spominanju a modlenju

Pod hesłom „Čas k žalosćenju – rum za nadźiju“ přeprašuju nabožne zhromadženstwa a cyrkwe tutu njedźelu, 18. apryla, k zhromadnemu spominanju na wopory koronoweje pandemije a jich swójby, ale tež k modlenju za tych, kiž pod njej w Němskej a po wšěm swěće ćerpja. Wšelake impulsy a dalše informacije k tomu su na internetowej stronje Drježdžansko-Mišnjanskeho biskopstwa wozjewjene. Link k tomu je pod [www.posol.de](http://www.posol.de) podaty. Na mnohich městnach wotměja so tón dzeń Bože služby. W Budyskej tachantskej cyrkwi poskića wot 15 do 18 hodź. nyšpor, hudźbu a přiležnosć k wosobinskemu modlenju. W Kulowje budže w tutej intenciji serbskorěčny nyšpor w 14 hodź., a w 15 hodź. chcedža ze zwonjenjom zwonow na naležnosć tohole dnja skedźbnić. Zdobom wostanje wosadna cyrkej hač do 18 hodź. k wosobinskemu modlenju wotewrjena.

## Temowy wječor pod hesłom „Kak mrěješ?“

Aspekty poslednjeje žiwjenskeje fazy steja w srjedźišću temoweho wječora w Němskim higienowym muzeju w Drježdžanach. Tutón wotměje so pónđzelu, 19. apryla, w 19 hodź. pod hesłom „Kak mrěješ?“. Fachowcy a žurnalistka Anja Koebel jako potrjechena chcedža wo medicinskih, hladanskich, socialnych, towaršnostnych a spirituelnych aspektach poslednjeje fazy žiwjenja rěčeć. Zajimcy móža zarjadowanje w interneće scěhować. Link k tomu je pod [www.posol.de](http://www.posol.de) wozjewjeny.

Onlinowy wječor organizuje Němski higienowy muzej zhromadnje ze Sakskej ewangelisko-lutherskej krajnej cyrkwu, Ewangelskim akciskim zhromadženstwom za prašenja swójbow kaž tež z Drježdžansko-Mišnjanskim biskopstwom. Wón wotměje so we wobłuku ekumeniskeho Tydženja za žiwjenje, za kotryž so Němska biskopska konferenca a Ewangelska cyrkej w Němskej kóždy lěto w nalěcu angažujetej. Z tym chcetej wonej na hódnosć a dostojnosć čłowječeho žiwjenja a jeho škit we wšitkich žiwjenskich fazach dopominać. Lětsa wotměje so tydzeń po wšej Němskej wot 17. do 24. apryla.

## Hłowna zhromadźizna TCM přesunjena

Stupaceje incidenčneje hódnoty dla dyrbi so dotal za pjatk, 23. apryla, planowana hlowna zhromadźizna Towarstwa Cyrila a Metoda z.t. (TCM) přestorčić. Nowy termin so sčasom wozjewi.

## Mejski nyšpor TCM

Towarstwo Cyrila a Metoda z.t. (TCM) přeprašuje na mejski nyšpor, kotryž budže njedźelu, 2. meje, w 17 hodź. w Róžeńčanskej swjatnicy. Zwuk přenese so tež zwonka Božeho domu.

## **Adenauerowa załožba wěnuje so Serbam**

Pod hesłom „Serbja we Łužicy. Drěmacy pokład w Sakskej?“ přeprašuje Politiski kulanski forum Sakskeje Konrada Adenaueroweje załožby na štwórtu a poslednje zarjadowanje pod hesłom „Młodži a serbscy. Perspektiwy do přichoda za Serbow“. Hosćo srjedu, 21. apryla, budu předsyda Domowiny Dawid Statnik kaž tež Helena Hejduškec a Jakub Wowčer ze Serbskeho młodžinskeho towarstwa Pawk. Za zarjadowanje je přizjewjenje trěbne. Z wobkrućenjom dóstanu zajimcy potom tež přistup připóslany. Link na stronu k přizjewjenju je pod [www.posol.de](http://www.posol.de) podaty.

## **Modlenje w Róžeńće**

Na modlersku hodžinu před wustajenym Najswjećišim su wěriwi sobotu, 24. apryla, we 18 hodž. do Róžeńčanskeje hnadowneje cyrkwy přeprašeni. Modlitwy spěwaja so serbsce a němsce.

